

竹

初

詩

鈔

竹初詩鈔卷之四

武進錢維喬樹參著

姪伯垌

中錫

編次

子中鈞

孫澹斯

校字

桂之樹行

桂之樹生青天高枝綠葉屈曲而團團玉殿千萬間其名爲廣寒彼中之神人來此相盤桓教我服食與藥一
粹玉兔所擣蝦蟇丸要屏息神氣澹泊勿使心煩鍊爾
顏色如朝霞鮮地下之草有黃獨枸櫞皆濁不可餐上
士求道中含丹銀蟾金虎亦不爾難功成出於衆外其
樂妙不可言

古咄咄行

棗葉何纂纂百年不常滿
人生富貴來倏如鳥過眼
來亦不可支去亦不可挽
橫雨漲白渠勺水隘赤阪
何如道旁子裡褐去不返

善哉行

枯楊無蔞風摧其枝靈龜求食自顛厥
頤樹朽蠹乃生水涸魚則泥
人生厠過叢舉足詬病隨
善哉君子身處世慎自持

長安有狹邪行

暮行長安城道逢兩華轂
借問欲何往乃從朱樓宿
朱樓在何所開道橫垂楊
黃金作門楹白玉砌兩廊
中有

駿馬來皆是趙與張小者二千石大者臺中郎長筵列
錦組雜坐調笙簧夕歸飲美酒早起趨明光誰能從之
遊立致青雲旁我欲駕車往車軌不可方徒爲望岐路
累足心徬徨

君子行

伯夷避濁世不憎首陽薇青門種瓜人軒冕輕鎡銖世
人重黃金黃金本如泥揮之返莊山賤豈土石殊象以
齒自焚翠以羽遭懼不能善用之徒然禍其軀不聞盜
跖貪劫取商山芝

將進酒

飛鴻不能達九天枋榆與爾同周旋楚國卞和泣其璞

陵陽一封足已殘君不見太公朝歌鼓刀叟一朝風雲
生後車餽牛寧戚怨長夜浩歌驚起齊夷吾英雄物色
良獨難青眼豈敢求庸愚范雎變姓名憐寒得須賈吹
簫乞蘆中乃逢掩漿者奈何今人知四足黃金踴躍不
敢治炙肥臠割素鱗莫令蕭索頭上巾惟有眼前一樽
酒照我綠髮長青春

寶劍篇

我有純鈞劍鑄之自風胡陽文雜陰鏤麗最垂金珠視
之不留光電彩驚清臚世人不能識錯聘長安衢東挾
走泰山梁父問所須西登太華頂玉女貽雙珠迴身望
斗牛紫氣橫其墟歸來延平津躍躍蛟胎舒不肯化龍

去君王要護持

日出入行

日出鞠陵中下淪蒙谷旁光彩往復還持以照八荒六
龍舍何所萬象開搏桑女媧手中石曾補西北傾精衛
銜南山填海行伶俜天地積氣區精誠感其扁常使淳
泐通混闕兩可平多事兩古皇搏土爲蒼生寒依渾天
象暑依蓋天形若埃百世後依杵乃可量螻蛄不知羲
和之律薜華不知伊祁之冀物生修短符大造誰知壙
城之松壽千載亦與同彫零乾坤如轉輪久久力不强
物氣分所餘安能自堅明古之聖人一萬八千歲其末
恐乃如朝霜

定情詩

美人與我期南山日暮不來風雨寒手中約指雙玉環
化作青鳥飛雲端美人貌何似目如增波貝如齒晨霞
散光眩朱紫神之颺揚與風駛美人服何如明月作瑤
星作珠腰下雜組垂流蘇漾雲曳霧矜且徐相逢芍藥
房相別杜若沚何以致勲拳銘心指海水海水接天流
卷簾風色秋銀臺望咫尺欲往無仙舟植蘭滿山謂不
香耳聽鶻鳩凋羣芳風瑟瑟兮波茫茫白露零落將爲
霜手援紫瓊琴欲彈淚沾裳誰能託蹇修寄語瑤宮旁

出自薊北門行

出自薊北門遙望黃金臺屠狗盡已沒馬骨埋蒿萊誓

將去從軍一展衛霍才宛馬白玉鞵爲我鳴徘徊高秋
八九月萬里衰草飛彎弓邊月墮拔劍旄頭低北海五
單于聞我名驚摧願封函谷關手無一丸泥金城十二
策未得馳彤墀椎牛炙肥羔飲酒且及時功成貌麒麟
始當建節歸

陽春曲

日絲裊裊曛綺窗綠蘿吐烟碧草長後園阿那攀女桑
蛺蝶不語心含芳美人曉起拭鏡函花襜綵妥垂氎氎
象床素柏睡未醒顏隨眼語影玉蟾漢家離宮三十六
宮中長袖容如玉粧成若不妬蛾眉阿嬌長門爲誰哭
年年繡幕吹春風莫恨雙燕飛簾櫳

筌篋曲

騎鯨欲登天中道遭所唾蒼蠅附驥尾千里乃不遺所
託苟異勢不在力足持不見棘蔓叢惡草長因依張陳
刎頸交睚眦還相摧廉頗門下客皆以市道來翟公罷
廷尉門巷烏雀飛肝膽是何物杯酒真朋儕脫身名利
中亦可無嫌猜敢望管鮑心窮達兩不移

折楊柳

折楊柳灞陵岸歲歲送行人長條直還亂上有對語之
黃鸝下有參差之蝶飛人生遠遊不如物攬袂延佇傷
我思昔與君別時湘簾啼杜宇望君君不歸草色綠如
許寄書洛陽去書去空踟躕玉鞭桃李香何處爲遊嬉

當君酒酣夕是妾夢到初

和人白下詞

龍蟠虎踞舊神州水勢千年抱石頭莫向江臯尋故壘
承平山色不知秋

平畦廢圃接寒空闕盡繁華夕照紅曾過鷺峰衰草地

舊時絃管梵音中

今鷺峰寺卽舊院故址

秋風別館購新詩棘院三年到主司自是清時遺逸少
草堂不用北山移

青溪一曲亂雲遮舊巷烏衣燕影斜日晚何人更邀笛
東風吹散滿隄花

白鷺洲前水拍天雨花臺畔草芊芊酒樓今日無孫楚

狂殺山東李謫仙

雲氣鍾山鎖寂寥廢興終古付寒潮臨春結綺消亡後
添得風流是板橋

新聲南部散多時白首歸來有總持依舊踈簾鈎水榭
漫將心事賦觀棋

三山天外何嶒嶸長淮水流碧且清關情休折道旁柳
留聽夜烏枝上聲

舞罷纒頭綺席開品題那復仗清才

往時院中色藝率
賴諸名士賞鑒以

爲高下今則非扶貴
不得過流風杳然矣

問名縱住長千里桃葉桃根不再

來

四度秦淮賦倦遊華林眺覽分長休何時夢逐金陵月

化作湖波號莫愁

寄似撰甥京師用趙編修甌北贈詩韻

山城握手得深談別路官堤柳影毵舊價浪蒙推冀北
虛名都復笑箕南生涯射虎心空壯術業雕蟲久更慚
欲把前途問詹尹命奇消息恐難探

還轅牢落起離愁襍被君偏事北遊

余南還之明日似
撰卽抵都計相左

在長新店
未得把晤白髮已添行子淚青衫應爲故人羞作書鮐
鱗須留地比跡鷗鳧漫逐流若向歸鴻訊顏色年來病
骨怕經秋

寄洪舍人素人

相逢相別逐緇塵淚漬青衫共苦辛客館君初諳中酒

秋風我已倦懷人枯萍千里因緣暫落月三更想望頻
樗散自甘人事少新知可一念沉淪

寄程舍人魚門

神仙中人有程髯廿年名盛江之南丰姿颯爽動雲漢
半生蘗落頭髮鬢與君初逢桃葉渡識面驚看肝膽露
便擬青松訂石交敢將白眼辜醇飮後來君去賦長楊
視草千言筆札香朝謁金根賜顏色聲華第一播詞場
何期五載長安路咫尺蓬瀛隔烟霧曉漏依然值鳳池
春遊那得陪芸署人生窮達亦偶然孟陬不嫁龐廉妍
頻來縱惜江潭柳不采寧傷空谷蘭見說漢文方好老
焉知曼倩本非仙一編雜誦千秋事肘後離騷且捐棄

三語何因識阮瞻萬言空自悲蘇季不妨狗監與通名
休遣牛哀枉流涕東風三月吹金臺玉鞭桃李紛紛開
眼看棄擲等秋草此時性命如輕埃兩度天涯其落魄
互審青衫淚沾臆酒肆難逢賀季真歸轅敢擬崔亭伯
羨君舊價滿緇塵何似江鄉淪落人故里尙多排趙壹
舊交誰與媿劉蕡已看面目黃金盡剩有生涯綠酒新
相思夢斷蘆溝月夜半征鴻爲嗚咽莫向秋風問故人
數莖我亦添頽髮

白門柳枝詞

東風三月渡江廉吹出長隄萬樹絲多少離人攀未盡
經春猶長六朝枝

青溪如畫燕初歸
晚地垂垂作絮飛
掩映烏衣舊門巷
鶯花過眼是耶非

竊黃千縷鬪眉痕
澹沲風光到遠村
况是長干騎竹馬
藏雅時節易銷魂

割青亭畔影毵毵
披拂征塵映蔚藍
歲歲風吹香滿店
伴他壓酒是江南

歌成金縷感鶯啼
廢苑荒涼野草齊
依舊含烟復含雨
拋殘春色板橋西

幾枝婀娜莫愁城
消息闌中望乍驚
曾向秋江訪桃葉
何當柑酒聽鸚聲

臨春結綺化朝烟
欲縮興亡祇惘然
猶勝邗溝問城郭

綠陰一半估人船

如此青山我倦登蕭蕭衰影繞諸陵莫教更弄桓伊笛
一曲烏啼怨不勝

遠道依依繫夕暉玉鞍消瘦沈腰圍帶人不似燕臺草
肯向秋風染客衣

述遊五十韻

我本巖壑人性厭塵中緣三年作越鳥叩竹青隨肩鎖
院對數峯飲眼先吳山寸心逐朗月照徹明湖煙湖邊
楊柳枝送客六橋西未上葛仙嶺先登白傅堤孤山締
鶴侶曲院采荷衣尙餘泉自冷無復峯能飛桐君招我
去便駕輕潮渡瀧水曲隨颿灘聲寒走樹太末曉山橫

屏顏近客星言辭富春渚却下會稽城落日耶溪淨扁
舟鏡裏行芡蘿春草沒宛委玉函傾獨向鑑湖水狂歌
憶四明江碑尋釐曰白浪靈旂吼七十二溪浮珠巖望
何有中途看牛女夜宿禪房深從此棄舟楫籃輿上碧
岑吟蹤繞丹赤客路依寒林華頂橫雲末飛夢渺難越
悵望赤城霞沉吟天姥月惟有巾子山青青送離別海
國早楓飄甌江候晚潮江中孤嶼在空憶謝公遙子晉
笙飄渺邱遲琴寂寥如何斤竹屐偏阻雁山高雁山五
千尺朶朶芙蓉碧大小兩龍湫從天瀉日色陰崖漾飛
雨匹練垂素雪靈峯闢龍象天柱森旗戟草草錦溪還
回頭煙霧隔平生愛鳴瀑遠想匡廬泉何意石門舍重

看珠玉濺不愁惡溪惡水石好洄漩括蒼青萬點歸嶺
桃花蹇却憶暮秋來風吹石帆遠越中佳勝地多半跡
勾留春風語兒浦夜雨白蘋洲眼盡何山麓唵經長水
流獨有澗江艇終虛沈約樓曩曾兩過蘭溪一緝郡城而金華諸名勝獨未得寓
也何時牧羊客攜作洞中游歸來隨北雁兩月長安返
易水悲風寒燕臺夕陽斷瀛海思勞勞天涯足空繭何
似住南枝雪山與青眼林泉吾故人半載夢遊頻安得
碧山雨一浣素衣塵只恐髣華改靈仙亦汝嗔烟霞若
長好期結越山鄰

八月十五夜對月

秋風掃浮雲明月上碧空手中一杯酒萬里清光同金

波瀾庭戶咫尺思瑤宮
仰首羨飛仙河漢攀無從團團
爾何物萬古懸青銅
三五起碧海散彩圓
靈中照見下土人
蠕動如秋蟲姮娥本無情
愁樂觸所逢一氣合衆
影離緒難爲通相思隔天末
欲往慚長鴻

又得詩一首

令節長空淨闕山
夜倍明百年容照影
萬井共含清物序經秋
颯情懷得酒平
誰能同倚幌長異雁孤征

題畫贈楊上舍六士

秋風會試越谿鞵
別後雲山繫客懷
書劔不成方自笑
又從木石乞生涯

懷序東姪

明月照窗紙寸心清與同秋風入閒階離緒生寒蛩吾
姪忼爽人愛其不雕飾長松植山阿天然性孤直時時
發狂論未愛世態迥近予疎嬾成亦與時俗格爲家本
湖濱今結道場隣七十二峯好爲爾迴青鬢誰能吹我
夢直到茗溪館疎雨白蘋秋新鷗箬下滿相將泛宅去
一嘯滄洲遠

寄大兄代柬

三年扶杖侍明湖樂事人生轉眼殊曉漏鳴珂人自遠
寒鐘問寢夢常孤依然皎月酬虛幌無那空庭感夜烏
莫怪南鴻消息少秋風愁與數蓴鱸

落拓歸鞭中酒時青衫淚滿有誰知不堪暮景兼愁病

况有天涯繫別離，袖草從容千載事。
春暉飄忽百年思，蕭條漫詆池塘夢。
敢比經霜兩鬢絲。

題蔣農部立葦抱甕圖

長松吹綠搖平蕪，秋畦一曲晴鳩呼。
養疴幾日倦物慮，開懷見此澄川圖。
澄川本是青雲侶，神采翩翩映揮塵。
洒罷初沾省署香，夢回却憶城東壑。
與君聯隄踰十載，此身尙逐飄蓬在。
戴笠方慚見故人，荷鋤安得離塵海。
人生窮達何茫茫，眼看魚鳥紛徜徉。
若教機事捐勞迹，何羨浮榮迫歲光。
窮途况我愁潦倒，欲乞長饒託終老。
不能朱紱卸春風，便擬青鞵踏荒草。
左戶須君問度支，闕聞十畝恐非時。
結茅只合吾先去，占取溪山作後期。

九日

西風吹雁散離愁又見黃花滿眼秋萬里寒聲催落木
百年吟思入登樓惟將濁酒酬佳節剩有青衫志倦遊
獨把茱萸望天末不堪南北日悠悠

感秋五首

白日天際沒孤雲江上來商飈拂羅幌蟋蟀鳴聲悲愁
人耿耿百慮縈心懷一夜枕簟涼落葉盈空階感此
歲序迫重恐華顛催羣雁知我意爲我飛徘徊

秋風一夕起吹散瑤圃金誰知青青柯馥鬱成薶林微
霜隕庭戶芳草愁銷沉幽人隔淮南攀樹生長吟月中
有清影萬古垂寒森天香墮人間搖落誰能禁

蕭蕭洞庭風泛泛牛渚月落木羈愁多扁舟佳興發人
生異歡戚清景坐淪沒時無張翰尊空積潘岳髮大化
如轉環青陽去飄忽寒暑速我老不肯怨毫末慚無金
石軀看盡蒲柳苑何如飲美酒且免中腸結

庭梧始零落金井絡緯鳴高樓月生帷礎杵連秋聲露
下刀尺冷寒衣織難成征人怨羌笛萬里鄉愁橫誰知
戍婦懷其此含凄清願依長空雁隨風到龍庭嚴霜惡
顏色中道多所驚何意蘭蕙叢摧折成枯莖孤雲與時
失勢將落葉并分當守堅貞不羨朝槿榮

采采籬下花託根近秋草朝霜燦顏色夕露發枯槁獨
當百卉腓精英得自葆嗟此凌寒姿逢時苦不早人生

異物性厯歲容易老去年折花人今年髮已皓時無漉
酒巾幽芳爲誰好

題楊丈蓮塘陶蘇具體小像

高賢有遺蹤千載神一堂抗心得其合亦與形骸忘遐
或靖節風五柳垂清芳誰歟和陶人乃有髯蘇強去之
五百歲詩酒符踈狂栗里旣寂寥眉山遂飛揚黃樓九
日時蠻菊滋愁傷買田愛陽羨所以期徜徉今君貌此
圖神采相頡頏想見所居室高枕追羲皇時橫彭澤琴
如泛儋耳航鄉園疎雨後滿眼籬花黃頭上脫葛巾笠
屐更輕裝染鬚復膏面老許探秋光聞君好幽吟樸擬
酬柴桑餘事作畫師欲繼坡公長攬鏡苔形影伯仲難

爲量微詞託神釋一笑傾壺觴

再題蔣農部立莽點易圖

人生涉世慮憂患固其端所以假年思至聖猶長歎苞
苻秘精奧虛渺淪譚元王費今已遙誰能撤籬藩多君
讀禮暇溫此韋編殘探賸精明者稽古斷先難名成歷
宦海此理宜深觀繫予先人學自先啓新公以易學主
東林講席庭訓相承延

至家君遞
有撰述

手述代有刊小子媿面墻大墜趨庭傳發篋

索舊業有若攀危巒勞勞習雕蟲坐累浮榮牽進退寡
所師舉足滋尤愆徒揮阮生涕未卜君平錢煩君指所
之一慰前途艱

懷人詩六首

余自被放南還息影故鄉人事踈絕雜索之下
輒念所知因得詩數首聊志情懷無復倫次亦
見人生鴻爪握手不常聚散之感靡歲無之耳
程舍人魚門

兩度緇塵共寂寥長髯颯爽動雲霄黃金結客腸空熱
綠酒論文髮漸彫清鏡夢中嗟燕領苦吟天畔積牛腰
拂衣輸與襟懷曠眼看升沉塊壘消

蔣貢士佩荃

半生懷刺已摧殘服盡鹽車傲骨寒人物下中懸綬易
功名五十負薪難貧忘客味囊從澁老閱人情缺倦彈
莫向夷門尋俠烈恐教屠狗笑儒冠

呂秀才雲莊

一自春風送別舸，楚雲千疊望我我。驚人詞賦芳洲在，
弔古情懷峴首多。舊侶山公今廢酒，新愁王粲此悲歌。
江帆好遣歸程易，黃菊鄉村共一過。

吳孝廉泉子

越嶺燕臺歎梗浮，每從尊酒數風流。吟囊懶祭書黃絹，
遊跡鸚飛誦白頭。君薦于仇儼今春計偕遂盡室以行春草夢中應有羨，
令兄白華官都門暮雲江上可勝愁。不堪別緒都中酒，盼斷征
鴻又一秋。

莊徵士似撰

仗劍天涯剩此身，依人那更惜風塵。十年獻賦慚同輩，

千里封書慰老親已遣虛名成瓠落何期漫跡笑鷗駟
長安此夜蕭蕭雨聽到晨雞定愴神

鮑舍人治堂

璧人江左姓名芳明遠清才一代強山月幾年揮塵色
籬花此日染衣香新詩白袷題應滿舊影斑駁判未忘
慚媿轅駒猶局促貧交記否阮生狂

籬菊

籬菊亦何好秋深著意黃何因香滿把爲有蕊凌霜冷
艷依人瘦幽姿挿鬢狂年年故園發誰與玩孤芳
色應金行正香宜酒味通花中誰比傲風際獨依叢幽
潔高人意分移老圃功近來須藥餌摘及曉霜融

夜雨歎

西風吹簾墮檐花疎響不斷榮影斜蟋蟀罷雨蛩停嗟
秋心寒逐城更擗年年此時長作客尊鱸雖好歸不得
南馳北走皮骨勞依舊狂吟倒白幘新筓已熟蟹螯滿
籬花發霜日漸短江鄉此景無百迴况是窮愁蹙過眼
披衣顧見衣帶緩鬱如中腸起九坂壯心偃仄歲易馳
兒啼婦歎空輾轉

感懷

牢落天涯仗劔行雲泥幾歎夢中塵三年射策衣仍素
一夕看花眼未明越客下車空世故楚元設醴是人情
何當手把宜陽蓋託跡華胥過此生

茫茫塵海望生愁擬定行藏倦倚樓
阮籍途中應有淚
孟郊年少肯爲囚漫將意氣慚牛後
已自功名遜虎頭
多事桑弧牽壯志
兎園遺冊悔輕投

幾載餒驅贖故吾青雲結納分常孤
解裘司馬情猶壯
貸粟監河計本迂敢爲著書希載酒
翻因負郭憂催租
從今須學稽康拙
煅竈生涯亦丈夫

題趙丈豹三錢圖四十韻

厯山一鑄開泉流千年寶氣逾琳瑯
七福致漢九府周
白金赤仄治卒鳩
鷺眼荇葉紛難侔
年深銷漏埋荒陬
劉寶繩朽不可收
豹三先生博古儔
擁書萬卷酒百甌
吟披墨瀋生魚頭
謂茲刀布世運留
手羅散佚勤研搜

青碧紫紺辨色優鱗差螭縮精校讐曰正曰閩纂且修
外逮窮髮中神州粲如聚米列古邱以錢作史成集裒
方今此物神鬼謀得之則生失卽休慳者一毛恡九牛
豪或十萬矜梟牟東家障籠復握籌寒儒檢點空囊羞
重輕子母爲世蝨錐刀微末興訟仇去此阿堵患乃瘳
道元作論激有由賤子壁立琴書秋牀角撲滿厭不投
時無買山風俗偷趙壹腹笥徒煩愁造物忌滿戒妄求
聚之塞屋亦置郵上清童子愛戲遊和嶠之癖達者憂
披圖模範空盈眸于古可嗜今則不夷甫高潔神與悠
持較俗好殊薰猶

欲雪

橫槎暮夜潮

至城東看梅作寄大兄

年年送客對南枝一樹垂垂弄影時
近水幽寒容我到隔墻開落欲誰知
春來江驛愁難數雪後園林有底思
寄語天涯舊何遜催人曾否髻如絲

盆梅

數枝索笑近華筵千載孤山買論錢
不分香生虛館外居然春到曲闌邊
吟殘東閣清尊在折盡西洲別夢牽
多少陳根誇庾嶺幽姿原不受人憐

詠物八首倣晚唐格

春風

一夜朱幡剪綵新江南是處麴飛塵徐吹花徑鈴相語
暗入池塘水有鱗來爲阿誰偏殢客扇疑無力只慵人
開簾拂榭多情甚最是晴絲得遠神

春雨

幾回霖霖卷簾看多事東皇要浴蘭入夜無聲苔徑滑
拂檐有氣燕巢寒乍過白社愁經宿漸及黃梅欲醞酸
誰遣百憂和草長

唐詩百憂如
春雨中生

閒階蕭瑟聽來難

春雲

縷縷排空颺影微綠翹玉葉認依稀冒來遠岫初成絮
卷到晴天漸作衣吐月暗從花外過逐風低向渡頭飛
停杯多少思親客子舍迢迢未得歸

春山

萬疊屏顏翠作紋青鞵結束恨空聞雨餘一髮牕中見
曉後雙螺鏡裏分斷續定教迷去雁鬱愁不爲雜遙雲
何時拄笏看無厭漫展新圖對夕曛

春水

匝岸冰花曉乍融瓜瓢一色接遙空坐來小艇疑天上
沒到垂楊是雨中弄影偶然歸燕掠漾愁無奈晚烟籠
傷心南浦年年別看盡滌洞意不窮

春鳥

風暖園林學語稠晴牕渾不辨啁啾啼殘遠夢看花晚
和到空山伐木幽曉樹幾聲門靜掩夕陽一隊水東流

停針偏遣深閨聽對舞間關最惹愁

春柳

年年綠到大隄東
跪地千絲作態同
近水紛披初拂馬
向人猗儺不因風
愁生遠陌樓頭見
怨入平羌笛裏空
爲是靈和舊標格
再休攀折暮烟中

春草

遠道芊芊望眼賒
燒殘野火又天涯
階前履跡經愁長
陌上裙腰帶雨斜
碧處有情薰夕照
弱時無力襯飛花
惠連一夢蕭條後
檢點青袍恨有加

舟中新月歌

人生不長離
唯有天上月
經旬輒會面
近晦偶一別
所

嗟風雨相妬爭但教到眼何虧盈隨人萬里兩無厭交
來如水思君情三年伴我越溪去照盡青鞵夢中路北
從齊魯走燕南馬上三更挂寒樹今來放舸東湖邊一
釣乍出蒼山烟湖光萬頃漾纖影暗瀉玻璃入遠天美
人天際含孤顰東風漠漠雲鱗鱗輕帆相逐夜相送恰
似天涯逢故人人生有愁思月滿有塊壘何似半彎時
蛾眉未遭毀將愁訴月月無語愁樂憑人月難主斫將
桂影光更多手無斧柯奈爾何

望蜀山

一角林巒罨畫東風流曾記住髯翁數區陽羨何須買
今日晴山尙屬公

平生夢想峨眉秀，偶對家山發興殊。但覺數峰青到眼，不知真似蜀中無。

宿湖邊

欲晚水雲暗，湖風吹滿船。山痕低極浦，月影出重烟。舊願浮家晚，貧遊把釣愆。偶來成獨宿，倘使白鷗憐。

早渡太湖

日出遠烟散，湖光萬頃新。山連吳苑曙，帆接越天春。沙嶼初分樹，鷗閒欲近人。深慚漁父計，結網羨爲鄰。

西施藝香山

西施浣紗時，本是一寒女。一入館娃宮，新粧艷吳渚。承恩到顰笑，慵着羅衣舞。欲遣空山芳，滋蘭滿黃土。越溪

采葛女老大不知愁身入繁華境興亡有國憂容顏難
自保淚盡梧宮秋千年藝香處落日春山悄屨響綵雲
飛脂痕碧苔老東風綠巖樹啼殺林閒鳥却憶過耶溪
苧蘿亦荒草

遊畫溪

在長興
西郊

畫溪水如畫碧盡不因春遙連上下若色到泛舟人

復渡太湖頗有風水聲

兩渡晴湖曉重來水勢強日光翻浩淼山影界微茫沙
鳥烟中失眾帆風際忙平生懷范蠡及此意徬徨

過烏溪

客夢回殘櫓推篷見遠山湖平千頃碧風定片帆閒日

影來飛鳥烟痕出曉關

地有稅所

總教鄉路近聊與玩潺湲

舟泊烏溪就道左買蘭土人別其種類云產本山者佳他者率臭嗟乎蘭卽不齊乃有臭乎感采佩之非人傷幽芳之易落物之蒙於知而不知者卽蘭可知已

蘭之生兮在幽谷采列風塵一何辱薰猶况出市夫口綠葉青莖頓羞感物生難得是賞音璞玉爲石蛾眉滌湘江千載靈均死本是空山絕知己

香山

以山多蘭名也

香山在湖畔產蘭滿巖阜本以山生蘭名成在蘭後誰云草木賤能令山石壽碧盃芳泥幾珍惜翦護經年開

未得豈知本性在空山歲歲羅生徧幽色

過高邨

家山回首暮雲迷客思經春恨別離不及風前數行柳
年年披拂在官堤

晚眺

一櫂春波裏依舷野色齊暮帆經雨重遠岸入烟低別
緒江初隔詩情鳥亂啼徒看歸路好愁殺草萋萋

弔淮陰侯

登壇一拜漢初東國士貧時跡亦窮豈有英雄甘胯下
不妨勲業繼蘆中弓藏絳灌聊爲伍鹿定蕭曹漫論功
鐘室千年冤獄在枉勞遺沛泣歌風

釣臺

荒臺水繞夕陽昏
醉恨空餘酒一尊
市上少年城下母
總教恩怨感王孫

泊清江浦

年年春到便離家
託命毛錐祇自嗟
夢繞河聲流不斷
身隨雁影去無涯
荒城魚米初收市
遠渚帆檣漸隱沙
獨聽山陽數聲笛
澆愁那得百壺賒

晚泊宿遷

不寐籌身世辭家
已一旬暮烟能滯客
新月易愁人傳
拆寒更靜維舟夜
語頻塵途過冷節
那復辨芳春

清明

一夕寒關舉火新扁舟強飲又佳辰荒村烟柳初飛鳥
野岬風花自送人長缺那堪頻去國孤帆何計可留春
吹衣尙是江南雨莫向郵亭便愴神

始見杏花

客路殘春在遙紅見杏花數枝墻闕艷一樹酒帘斜遠
道塵隨曉荒村影自嗟鄉心隔寒食點綴暮愁加

馬歎

車行百里人影顛駕車三馬疲不前人煩馬力亦已怠
雖有鞭策徒可憐眼前雖非太行阪平明服箱到日晚
只知跼促轅下行那識驍騰日邊遠曾是驂驪有殊種
骨相逢時便生隴多少蹄毛似爾肥玉鞍金勒馳春隴

柳下惠墓

千載傳和聖荒邱跡已湮不恭曾玩世守介可同塵直
道無抔土聞風愧路人殘碑白楊下封邑至今新

車中對月作

宵途辨霽色萬里塵未生依然對明鏡送我江南情行
子擁敝裘卷幙涼颺迎遠道渺何極一碧蒼烟平俯仰
惜影孤徘徊故鄉明出門月近晦水宿鉤痕升何意跋
馬來倏此三五盈人生歎蓬轉華髮愁暗更一枝慙雀
安三匝感鵲鳴悠悠西笑意不斷齊山青

十五夜宿舊縣

幾夕征輪盼遠天離家乍見望舒圓身經鄉夢忘千里

行計春光盡一年雜樹烟痕雅自亂紙窗繁影客初眠
驚塵吹徧勞人色便照清輝倍黯然

遠別

遠別亦何爲驅車尠所歡悔將交徧謫易得道途難明
月故鄉影徹裴遊子寒征塵上顏色休入夢中看

曉發

荒雞催曙色人語夢初醒殘月數聲柝涼風一院鈴野
橋危乍上昏樹怯遙經辜負朝眠穩勞勞又梗萍

大風宿富莊驛

狂飈驅塵沙白日晦千里排空怒作陣咫尺不能視行
人臥車中蜷曲頭向裏有如涉巨浪洶湧怵兩耳稍稍

瞥眼觀塵積衣寸指茫茫日西匿稅駕渴所止漸近得
數椽人迫馬亦駛蘆簾障檐角燈影射窗紙坐聽萬木
號掩戶聊自喜華堂此時宴圍幕雜錦綺銀燭焰不搖
酌酒厭甘旨豈知行役客慰意乃在此

驢

空有疲形在難教詩思生荒村成獨繫見客發長鳴毛
肉竟誰惜鞭笞只自驚千年孫楚去枉遣伴孤征

途中書所見

途行索飲食三五投村居皆以泥築垣覆之數東蘆頽
歎漏風日支木列所須復有道傍舍低僅三尺餘塊然
堀堦形中罕一物儲居人就穴臥偃仰顏色舒還視賣

餅家美已侔精廬人生搏土成形體安所區百年華屋
客同盡歸邱墟塵棲彼亦世樂豈大厦殊不見巢窟風
野處鴻荒初

長安寓齋偶成

春風本無情吹花滿天涯中有千里人坐對殘春花年
年三月時便作燕臺客芳草綠遠天故園歸未得開簾
望落日飛鳥鳴我前畫屏十二疊上有江南山紅雨霏
夕陰蝴蝶自往還顧此衣上塵肯遣杯中閒

丁香花

幾樹繁葩結暮廳幽香誰與數星星東風特爲離人到
吹落愁心已滿庭

夜坐有感

西笑無端歎轉蓬
來原草草住匆匆
身隨燕子依華屋
心與花枝墮晚風
已遣下車慚舊侶
何因彈鋏喻歌衷
清宵聽盡街頭鼓
那有南雲到夢中

紙帳殘檠別院西
天涯支枕自淒淒
車聲隔巷喧初過
月影籠塵望欲迷
客路周旋無石友
封書慰藉有山妻
一枝漫說隨陽易
已費東風鎮日啼

贈程舍人魚門

北海尊不空
平原刺猶存
吾愛傾蓋子
髯采塾角巾
落心膽合情
使忘形
真明月入素懷
未足方所親
去年別君時
把酒藤花落
今來得逢君
藤花復滿屋
人生老

聚散歲序鳥過目執戟尙疲揚緇衣更遊陸長安居未
易出戶多軒車索米勞敢言曳裾拙安如君無儋石蓄
而有萬卷書餘事值省薇專精委編蒲此事得不廢樂
豈邱園殊嗟予支離躬十年醉高陽不逢叔夜曠白眼
怒我在高吟折皇芩里耳宜參商揮手謝珠履恍爽與
爾長世間行路難毋爲擾中腸

蝨

我從來長安一月衣未滌宵深癢爬搔欲臥頻轉側身
非入關猛高論方坐惜豈知塵汗流有物紛自積螟
稍緣領率率才聚隙得氣蒸微陰孕形出餘液滋生兼
濕化族處爭縫襞渺然一黍驅吮嘍乃有力我聞爾雖

細讀賦具解識浸淫亦何喜伺我伏肘腋能令清夢妨
亦使端坐迫依人而食人爾肥我則瘠剝膚本危機壞
絮豈吉宅旣無蚊利口遠患恃兩翼復遜蚤輕跳巧捷
捕難獲跛行鈍且懦一索竟安適指殪已切災火攻亦
上策靡之齒牙間何足當寸磔維蝨喻我語施施對以
臆繫予稟大化自古擅恒德與物知推移處頭白變黑
藏身法智者垢污能託跡况觀賸物巧在大多所賊三
官喻貧富五蠹嗟損益不因庇暱邇烏得施鬼蜮轉鬪
同衣袒食饜自膏血焚香乏昌歎成牛盡卽墨惟余守
柔姿謀生匪毒螫所飽毛孔細報之以衷赤烹腦誠小
言貫心亦倖得中散聊縱懶馬令孰動色堂堂湯沐賜

相弔敢見遍萬物擇肉區達者觀自釋君方處禪中微
詞安所責

豐臺芍藥歌

長安城南花事催千朶萬朶濃香開平畦十里艷鋪錦
停車帶得酡顏回翩翩弄粉露初斂齊向東風嬌欲颺
上客筵前金作圍佳人粧罷霞生臉紫綵步障白玉盤
神流色外狀始難向人解語自宜笑贈客可離亦素懽
幾夕彤雲剪纔出舊譜空傳三十一縱教富貴亞花王
若論傾城總無匹江南三月桃李飛馱金走馬問種奇
香根刷得幾培護嬌叢嫩蕊勤扶持豈知北地賤如草
數錢插滿銅瓶枝朝朝市上買萬本一竿盡散殘春姿

天涯况復愁將歸越娥楚艷空徘徊惜騰只合對花飲
醉倒紅都婪尾杯

草草

草草隨歸雁辭南又一春風塵無長物骨肉亦依人冷
暖存吾道艱難媿此身長安高酒價傾蓋且相親

櫻桃

幾顆殷紅見嘗新到客中摘才登曉市寫已出筠籠燒
筍懷兼味行厨歎轉蓬本來愁內熱休訝玉盤空

蝴蝶花

何年餘變化階畔有仙衣芳草忽然滿東風吹不飛紫
苞含露重金粉染烟微栩栩吾空羨南園夢未歸

空庭雨歇晚含煙又是他鄉月漸圓高樹鵲歸聲乍疾
暗叢螢度影相憐漫分涼靄虛殘夢好待明河曙遠天
敢望長安似吾土家山信美亦愁牽

紙鳶二首

金抄司農屬和此史文靖原韻也司農

和司農詩成有云漫說扶搖藉羊角須知鵬上本爲有文靖覽訖佛然

鵠刻何因骨化仙長繩一繫竟翩然也憑人力看升墜
便向天衢較後先得路孤蓬誇放手乘風斥鷃敢墮肩
排空且慰兒童望休擬高吟似管弦

竹素游心薄采繒千雲定欲到凌兢飛騰自我成孤唱
牽引隨時守直繩肯遺致身輸弱羽未須構巧出奇脰
扶搖會借東風便莫笑溟池有息鷗

七夕

乍見雲車駐七襄
鍼樓倚徧在他鄉
不知脉脉銀潢水
可比三千客路長

插竹垂綬枉問津
人間對面易參辰
多情那得雕陵鵲
却肯填橋渡別人

秋風歲歲繞香筵
一笑星光粲玉楸
但使長離亦長會
眼看河漢已千年

絳節朱裳夢裏回
匏瓜長繫誤清才
悔教卜盡蜘蛛網
不乞癡呆乞巧來

絡角遙光匹練鋪
空傳清淺渡黃姑
卷衣容易辜秋諾
那及仙槎風浪無

澄秋新月半鈎懸
瓜果天涯獨黯然
閒向簾中看犢鼻
自來南阮少人憐

早秋

一雨收殘暑
秋生曉望中
九門開宿嶂
萬井墮高桐
已倦燕臺酒
空歌易水風
扁舟季鷹思
休遣後征鴻

不寐

窻月炯難墮
了然見客眠
砌蟲吟太早
塞雁影誰憐
身世籌中夜
歌思答遠天
蕭森看白袷
慚媿又經年

聞蛩聲

已有秋蟲咽
能無客思驚
閒階何所感
涼夜若爲情
衰草天涯夢
悲笳塞上聲
幽吟吾與汝
搖落意難平

秋海棠和胡侍御牧亭韻

嫋嫋墻陰鬪靜娟香名分得自嫣然如何秋女偏多怨
不讓春風獨化仙著雨數叢嬌未摘沿階幾縷艷生憐
啼痕一樣山頭石腸斷斜陽尔許妍

別大兄南還

半載萍蓬滯帝京蕭然長劍又孤征得歸敢畏窮愁
味屢別因知骨肉情雨歇西山添曙色秋來北馬有涼
聲唯因把酒桑乾渡不斷烟雲送我行

泊天津

幾夕輕帆帶雁翔潞河南下水茫茫天清沽口山痕出
日落津門海氣涼地積魚鹽喧客夢人經風雨想秋光

送憐剪燭長安話隔斷離愁又一方

過楊青驛

不覺秋行晚推篷野色移掠波雙燕喜噪柳一蟬悲高
卧虛糜日將歸正感時迢迢千里思應有水雲知

自天津以下悉上水行甚遲

歸帆偏滯客一水勢多慳岸柳頻看
在檣烏幾去還秋心已搖落遠路况蕭閒坐負長風願愁分舟子顏

閏七夕泊安陵

銀漢初斜清漏移入秋二七復星期填河兩度勞烏鵲
不管人間有別離

獨夜推篷露氣繁瓜盤野月照清樽此時定有停針歎

數到天涯第二番

衰草悲蛩動客眠江南何處隔重烟那堪玉露金風夜
望斷離程尚二千

半載京華夢裏過佳辰曾記醉金波孤舟寂寞綠何事
愁見雙星又渡河

掛劍臺

延陵使齊時寶劍繫肘後心許因徐君光采不自有去
時揮手去還歸見新塋仰天呼故人涕泗爲沾膺躍躍
匣中水亦作知己鳴挂之墓上松聊慰泉下情青松不
枯情不更至今宿草作劍稜千金不重重已死古人一
諾有如此

北沙灣

未晚羣鳥亂遙林望渺然
帆痕初上月水氣自成烟
秋緒臨風入鄉程計日懸
悠悠清汶水好送客南旋

南旺

堤上有分水龍神廟

怒流爭一脾汶水自中橫
豈有神功在能教衆力平
浪分南北勢舟辨易難情
日暮靈祠鼓悲音送客行

聞濟寧有太白酒樓舟過賦此

神仙之人如雲翔飄然一去不可望
竭來任城泛短舸酒樓何所煙
蒼茫當時海內擅長句魯郡齊東劇遊處
銜盃眼盡徂徠青竹溪諸君悉烟霧
至今城頭秋月明寒芒不墮燦酒星
玉山一倒歸金精隨風片語成
瑤笙

有不言金
卷三
主
千年謫仙人渺騎瓊香鶴雲霞爲酒漿北斗斟以酌南
流濟水清且長金盃晃漾帆高張狂吟耐可乞殘醉著
我枯篷河漢旁

晚泊新庄見北行帆甚迅

天意妬歸客長風悖扁舟戒旦曳牽行晚盡三五邇北
來千餘里沿湖艱違流時時藉輕帆竟使輿謗休豈知
過汶上五兩從南適風水互順逆得一難兼收造物良
大公理平吾則憂今夕復何夕繫纜荒村頭衰楊發蕭
槭蟋蟀四野愁明月我故人憐此孤唵幽開篷圓影入
耿耿明衾幃坐遜童僕閒高枕酣清秋

渡河

客心悲一葉河流浩蒼茫落日瓠子飛萬古天爲黃中
流擊短楫帶水南北長嗟此一壑趨百萬金錢當芟根
歲幾許槌築丁夫忙復勞 至尊憂絳節時徬徨三策
理勿外下者爲隄防洪波日東南淮力恐不強入海肇
禹奠故道不可常誰能挽泥沙赤手迴披狂秋風盪飛
鳥遠岸靈旗揚手無濟川才欲渡還周章

天妃閣

高流何喧騰一束勢千里輕颿逐頽浪迅若脫弩矢踰
河萬居民遠恃作戶址排袞撼弱岸屢約怒未已來時
邪許聲百丈爭寸咫崇齋陟滋懼峻坂下亦尔匹夫媿
利涉礎石祝患弭稍過得坦行如流鑒視此

宿淮上不得寐

水國秋風日夜催，亂蛩涼月枉徘徊。
宵深市火戎戎暗，江靜帆聲習習來。
復有雲山羈別夢，不堪鴻雁費清才。
故園叢桂應餘怨，那識枯萍計日回。

浪跡

浪跡真成落拓遊，蓬飄空作稻粱謀。
南還爲與同饑渴，那有萼鱸賦感秋。

露筋祠

蟲飛么虜乃別蘭，艾孤芳不焚焉有餘。
醜雷耶隆隆寇在四野，媵則弗疚妾何爲者。
烈女不生蚊賊之烈女，不死蚊德之萬口。
嘖兮血月乾妾身不完兮身乃完千秋。

貌兮河之千靈帷颺兮清風扇

秦郵晚眺

落日幻霞色廻舟萬頃黃岸容藏堞勢驚影亂湖光結
網人居樂聞蟬客緒長官堤數行柳拂盡野烟蒼

至京口

頻年挂席問潺湲且喜雲踪倦復還江上薄寒瓜步雨
天邊落照海門山坐聽羯鼓催浮慮夢繞鱸鄉媿舊顏
何日秋風罷惆悵不隨北雁老塵寰

始抵西埠

兩月斷南問近家強自寬親衰嗟季切婦病禦窮難已
類枯魚索仍爲長缺彈聊誇吾舌在歸得話團圓

題楊二國璉載菊圖

人生無百歲况復疲其形鄉廬至樂在棄擲馳浮榮繫
予久饑驅三徑荒苔繁時從倦還隙顏厚江鷗盟誰歎
近園主繞郭成幽局林屋十數間翛然草元亭以彼濠
上懷挹此籬下馨養疴乃非疴不繫扁舟輕江南九月
候滿眼紛秋英送酒遲白衣登高憶良朋但得開口笑
萬事皆通苓凌霜本孤標宜契靜者情披圖三太息欲
往烟波暝

重九日所居志感

遊蹤已入三秋倦鄉夢偏移一畝新黃菊無心猶戀酒
白衣何處肯招人吟隨風雨成高枕愁插茱萸憶舊鄰

欲訴秋霜向離雁哀音天半聽難真

寓居有額曰一畝宮

懷似撰甥

故人一別橫州去望斷離鴻信未真歸路七千空遠夢
頭顱四十總依人霜浮官燭宜催酒雪霽江梅欲綻春
各對寒檠傷濩落天涯相憶定沾巾

題蔣四南莊龍山書院碑記冊子

永寧古離石其地當汾陽雄關跨孟門巨壑瀉呂梁西
河教千載詩禮澤未亡雖屈百貨衝民氣樸且良蔣侯
蒞斯土爲政先農桑下車化刀犢富教謀盡臧慨然念
子衿餘意推膠庠蔣侯本經師治術根義方五經播縱
橫丰采追宣光以茲一勺飲成彼三舍堂豐碑屹雲霄

鬱鬱龍山陽歸來搨此本琴鶴相携將方今號吏最上
上競所長上堂急催科對案駢桁楊此事則遂廢學道
訓恐荒蔣侯爲我言維山邑之望其上多古柏黛色排
千章是爲召公棠去後民弗忘遺材皆棟梁蔚哉貢巖
廊

懷大兄

一別蘆溝水已冰故園消息雁難憑也知遵渚歸無所
自媿循陔采未能寒事匆匆都歲暮傲裘淅淅獨晨興
天涯若夢池塘草只恐春來怨不勝

寄大兄

又是江鄉歲欲殘弟兄引領路漫漫天涯霜雪宜相憶

詩句窮愁只自看曉枕鐘聲人夢遠巖風屋角酒波寒
可能問訊藥城瘦黃鶴歸期亦稔難

子由和東坡歸瘦見寄之作末句云

云

歲暮感懷和巨卿姪韻

泥飲重簾酒一卮貂裘春近動遙思天寒江國水漸重
雪盡燕關雁到遲擬借鮑車逃寂寞尙依顏巷託交知
多情幸有巡簷藥伴我幽吟繞曲池

故人憶別方成夢壯志嗟時况盡秋空對江山發清興
漫從骨肉感前遊三年擁絮牛衣淚一夕銜盃馬齒羞
范叔緜袍公瑾米故都未可久淹留

復用前韻贈曼亭

無當才名笑玉卮青雲美爾有遐思寓公此日鄰初結

雙亭晉人今卜居毘陵矣

漫士他年祿未遲投轄開尊無俗客垂簾

詠絮亦良知丰姿坐對宗之皎瀟洒長看照習池

平生膠漆少深投曾共明湖賦感秋江畔鱗魚千里思
夢中鴻爪萬山遊流年清鏡頻嗟影狂跡緇衣未浣羞
世事升沉須痛飲暫時風雨爲君留

再疊前韻贈巨卿姪

爲樂休傾金屈卮丈夫要有四方思青春謀食君母恨
華髮彈冠我尙遲好擬蓬麻成特立漫從湖海乞深知
寒糴故物須尋取努力東風到謝池

燕鴻跡杳越吟休相顧儒冠各九秋賦已陸機工藻采

書宜馬援定交遊前程白騎知安屬舊業青箱祇益羞
數到仲容君第二長風何日破遲留

仿東坡歲暮鄉俗三首

餽歲

鄉間重節物往來情藉親况當日月除欲盡一歲人農
家際伏臘鷄酒羅嘉珍爲歡亦有資洽我東西鄰春糧
作饅餌割肉羞繁贖豐菲量所報更迭蟻磨頗交親饑
卧多寧僅食飲貧區區致擔負已詡酬艱辛先王睦姍
風有無何肫肫

別歲

歲那可云別重逢已非舊屢別失少年相思枉心疚滔

滔東流水赴海作寒漏白日古無情堂堂去我驟富貴
爭一日窮賤老易籛遠送寧遲遲母爲速人壽炮羔炙
巨鯉置酒發清奏爾行天一涯轉睫寒事又相對長揖
還來朝鏡中瘦

守歲

悠悠失窮年一綫乃自惜人情恪銖寸大往仍浪擲擾
擾驅獸官天上不暫息諒無長繩繫強坐亦奚益兒童
劇懽笑此景曠古隔生勞畏加齒悟晚傷努力蒼茫長
夜期皆自此夕積鄰鷄爲緩唱寒蠟愁更滴且盡手中
觴吾衰聊未遍

喜吳九行思歸里仍用巨卿姪韻

寒城風雪對深卮有客廻帆慰別思夜半聞鷄心自壯
幕中具草薦猶遲夢還邗水袍痕在春到燕臺雁侶知
吳九歸自維揚
明春又將北上歲晚同裳且爲樂明年萍梗又差池

憶從越水賦同舟聚散鱸鄉復幾秋深媿上車成著作
今春予以徵賦入
都未果試而返那堪彈鋏各羈遊論交四座牛心寡
感遇千金馬骨羞竚尔清才傳入洛春風筆札暫勾留

雪霽

朝日何太明晃然耀窻紙披衣凜寒色簷溜滴未已今
年臘晴暄三白兆歲尾入春二三日朔吹轉震耳柴關
臥袁人門巷清似水濁醪凍無力狐白彼誰子空林時
一飄饑雀噪乍喜天地失太素萬物出本體池南動水

漸舍北垞梅藥出門望遠道聊自理屐齒

梅花四首

翠竹青松舊締盟年年消息到江城池邊影自和人瘦
屋角香還近酒生幾日春風寒尙勒數枝野雀曙先爭
暄妍肯索醪顏笑一昔羅浮定目成

數徧垂垂繞曲闌月斜人去思無端可堪歲暮和愁發
定有天涯帶雪看殘臘故園空滯客舊遊官驛憶衝寒
不須飄落聞長笛已自金閨訴怨難

幽姿世外想丰神一洗鉛華眼乍新亂水寒村開幾處
野橋官路折無人但看疎影宜橫月相對征裘媿染塵
莫把芳菲羨桃李好從處士伴清貧

雪後踈窻見一枝夢回紙帳動相思江邊已恨催人老
隴上休嫌贈客遲心跡忍寒吾亦尔家山絕俗世空知
朱門多少耽梁肉若對清癯恐未宜

疊前韻

仙風姑射未寒盟相見橫斜雪滿城偶向幽檐同索笑
縱依官閣本孤生逢時已耐冰霜慣顧影寧容桃李爭
幾欲春前誇鐵石廣平一賦和難成

一別孤山曉夢闌幽香回首隔林端何人江路含愁見
舊日溪橋策蹇看白髮暗催應有恨清尊靜對不勝寒
微吟莫遣霜禽覺已分南枝問訊難

竹外池邊見遠神冰姿空逐歲華新已教開落幽無主

豈意高寒訪有人
霽後素衣懷臭味
折時契客媿風塵
陳根歲歲江南在
得占春光敢厭貧

巡檐歷亂一枝枝
爲尔經春有別思
歲晚空山人未到
天寒野館夢常遲
唯應照水成孤影
敢許臨風結淺知
已是江干岑寂久
玉堂清絕可相宜

復疊前韻寄大兄

與尔同根有夙盟
別來驛使隔重城
故園望影垂垂在
華髮經催旋旋生
幸託白雲爲玉照
忍遺翠羽並寒爭
數聲曉角人顛顛
多恐霜天夢不成

破臘幽尋興易闌
強分笑靨到檐端
卧當殘雪尋常見
吟近疎窻次第看
欲折豈宜人遠去
相逢除是歲重寒

也知北地香無價其奈離愁寄亦難

平生冰雪擬精神水竹前緣入夢新舊日西溪同載酒
如今南國獨依人春風火戀猶寒骨落月相望總隔塵
一去何郎京洛遠空山只合守孤貧

月地雲階發幾枝江南瘦影枉愁思已嗟近日分寒暖
何苦驚時賦早遲眞賞不逢看亦俗衆芳漸競落誰知
頰君一染徐家樣多著鉛華與世宜

將歸前一日百感交集雜占二十首用少陵秦州

雜詩韻

八載馳京洛眞成濩落遊升沉空委夢去住總關愁
逝憶人如水鳴先物感秋飄零南向雁片影亦誰留

呼祈忽夜半謁帝上清宮青簡名偏後緋衣召本空三
山真隔海一笑斷隨風若個生天易樽桑別是東

苦戀黃金在投身萬斛沙化柔原不易識氣竟誰家清
鏡顏何污羅幃卷自斜分明圖畫錯偏有洞房誇

直道曾何補增妍已入時雖蒙天一怒無解物成悲燕
石投寧盡湘蘭采况遲唯應感明詔自古帝難之

最小登堂客曾看學語強投繻吾已久射策爾何長遂
與通蟻蝨從教笑驕驕致身須似此休及鬢毛蒼

緇衣原自誤白璧尙容歸且遣剛中聖休嫌冷少微才
非明主棄貧乃薦書稀只合逢搖落年年減沈圍

丈夫身萬里悔不逐行間投筆辭長賤封侯會入關終

垂鄭純化誓斬類半還在負枚生檄蹉跎失壯顏

聞道將離好豐臺日幾迴渾忘春易盡直擬市能來客
邸人三嗅鄉園菊再開莫因多致賤喚買亦堪哀

眼盡車流水勞勞有此亭類來頭易白相送柳還青人
遂成今雨吾慙應列星亦知歸寂寞猶得守林垆

當代登龍客青雲藻句繁畧曾窺禁體諒不媿詞源白
雪雖傳唱桃花別有村噓然嗤里耳深恐立齋門

拔劍忽不樂驅車夕照低金臺渺何所駿骨已成泥都
護方窮海嫖姚早定西時清終莫外慎勿慮征鼙

中宵感身世嘆逝淚如泉誰更歸期數空將遺挂傳營
齋千里外入夢一燈邊此去嘗憂患吾躬祇孑然

三黜人何苦萍飄各有家極思齊得喪誰與脫塵沙榮
迹同傳火浮生易及瓜何時貧處士身自葬梅花

最惜小兒女依依失所天兼慈吾尙媿解憶信空傳成
立知何日提携隔下泉安能久拋撇置爾在誰邊

前途終自窘生理一杯間恨別雲過眼驚時日墮山已
無人其樂轉幸賤仍還澹盡絲絲淚非秋鬢恐斑

動輒三年別無能永雁羣聯床思舊夢握手感浮雲薄
宦貧成慣愁吟病與分始衰君似此心緒忍教聞

黃塵吹未已遊子逼炎光永晝蟬嘶樹非時雨過墻青
春糜中酒白日夢高堂骨肉多睽隔休論百感長

聚散成人老故鄉無一歸清尊誤行樂朱紱苦爭輝塞

草先秋颯邊雲帶鳥飛從軍有才子早使歛天威
尙有憐才相司農倒屣難深期籬鷄奮豈意井魚乾東
閣盡如此吾儕寧久寒敢希終薦禰不使老鷄壇
解擯亦無謂離憂聊自知蒼茫求下女游戲羨嬰兒文
已窮機賦吟還阻惠池掉頭雖激烈三匝尙無枝

別大兄歸里偶憶東坡睽離動作三年計牽挽當
爲十日留之句不禁黯然臨行口占以贈

不是途窮吾道非天教骨肉會偏稀君方抱病難爲別
我已無家強自歸三黜分終青瑣隔一官空對白雲飛
有田何日初衣遂長與聯床夢不違

天涯此別倍淒然知是重逢又幾年五十衰顏須自覺

三千遠道莫相憐
每經分手人非舊
苦欲抽身事未便
獨把青衫看淚點
感時嘆逝兩漣漣

舟中擾人者二物鼠與蠅也作詩憎之

扁舟窄容牀實逼
乃有鼠始猶中宵來
窸窣若畏阻枕
旁與帷角鬪齧不可數
漸知客無能白日見
三五尾銜
逞迅捷目溜作笑舞
公然不避人累累成隊伍
翳爾雖
子神陰惡世所怒
夜行而晝伏蓄貓猶見楚
是何一時
出得志如變虎
吾行宿春糧乃復食我黍
何不去太倉
穿墉恣饗取既堪厭
所欲亦用族而處捨舟終有期
逝
當永去汝不然竟搜迫薰穴遁安所
吾非永州愚拘忌
好煦煦毋終恃爾黠狡焉忘所苦

南方患多蚊北方患多蠅何期一舟還載此聲營營
開蓬豁如洗何者腐與腥不知從何來集此相侵凌道途
薄滋味鼎俎乏大烹每當午食時羣止喧薨薨譬如小
人腹難草糞慕情既滋清譚擾亦令高卧驚汗膚必爭
噉倦睫時竊乘方勞輒以扇復苦麾之眩暫去亦倏聚
人力竟莫勝爾惟至賤穢本自茅根生止棘喻讒口自
古爲人憎誓將購市中窮爾陳堅冰復思眼前物乘炎
固其恒坐看秋風起掃迹無汝朋

拾得蟬蛻偶成四首

羨爾含清侶行藏大化中殘軀疑抱葉遠唱已隨風齊
女思何所焦琴悟本空定知忘物相栩栩夢差同

薄翼竟何恃乘時用乃殊一因餐沉瀝遂得脫泥塗漫
詡能離俗寧堪索故吾端綏原幻迹只合棄須臾
高飛餘亦爾委質此偏輕豈有三生悟真無一樹情炎
涼身暫閱羽翼世空爭便到先秋化遺音恐未平
得氣潔如此泥中寧久藏終然符羽化誰與証形忘食
壤曾嗤蚓成丸肯類蠅翳余慕超舉塵土媿衣裳

津門舟中別魯思姪

籃輿出鄉音日午塵色眩到船足蹙然停筵喜相見長
安昔送子婪尾春始宴倏茲慨台候光景迅逾電子今
得安居我復觸炎燭人生苦聚散所歷信邇傳直沽百
貨衝美酒諒亦賤况聞海物錯魚蛤日登膳官衙且自

酌華髮不我戀母爲媿依人戚戚身異縣我今不得志
還鄉無足羨不爲兒女累荷鍾隨所便迴帆望京華感
別百憂纏何須來視我徒益心眷眷明朝隔長波清淚
各如霰

有懷大兄却寄

與君別時無一語車聲轢轢催竟去昨宵忽覺在君旁
剪燭夢中話颯縷我爲不才世所踈長安不得煖席居
君爲達官復何望乃有憂患叢其軀水清石出何有魚
白日終肯臨區區不疑平反况無媿天意諒亦闕吾聞
兄憐我歸不稱意我亦憐兄病憔悴只言骨肉愴離合
那識貧愁減意氣男兒窮達錯問天故鄉恨乏二頃田

致身如此尚無樂况我坎壈低吟肩南馳浮雲北飛鳥
去日苟多來乃少君不見空山擁腫全其天古來梁棟
難自老

廢寺

草雜都縈瓦鐘懸不掩門尚餘初地小漸失化人尊構
此自何日檀施定一村昏鴉偶環噪與廢古難論

四女祠在德州南三十里相傳四女者以養父矢
不嫁各植一槐見志後乃拔宅去土人就其居祠
之

從來神仙本忠孝一念自足升清遐匹夫盡性命乃立
感格豈獨蛾眉賒北來荒祠過四女舟人指點居民誇

相傳四女在當日容顏一一芙蓉葩指天立誓誓不嫁
女願有父不有家人生生兒謂資老老烏幾許啼呀呀
凱風七子抱餘恨臯魚風木空咨嗟絕裾齧臂古不少
何意巾幗無疵瑕手植四槐日蔚蔚一朝吐出青蓮花
蒼松作旌芝作車各各揮手凌晨霞天邊女貞合有種
地下慈竹長留芽藐姑綽約盡處子豈有跳脫遺塵沙
君不見上虞江頭有小女沉波七日求其爺天風竟爲
豁白浪至今廟貌人迴槎至今廟貌人迴槎靈旂繞盡
千慈鴉

晚發下坊棧

打鼓俄看發下坊推篷雲水自茫茫天清野氣初含月

雨歇帆聲漸帶涼千里已成京國遠何人可共楚吟長
三年奔走情非舊轉怕驚魂到故鄉

過武城二首

古之宰邑者其責在愛人必使學道儒所貴心術醇聖
門陋法令禮樂治具存律始刑名家遂導張趙津嗟哉
決事比妄託麟經文

牧民有全才觀化始百里若當彫敝後尤賴民易使督
責非本原悃悃聯父子何求大官悅但望民氣喜豈無
文學彥一行廢其始送迎乃大要敲榜號能理耗下以
獲上中亦囊橐起遂登上上考游又類似此入疆令人
惻况忍笑莞爾安得絃歌聲千載長在耳

過臨清關戲作

都無繻可棄，尙有腹能便。好語津頭吏，何妨選一錢。

邵農部閻谷見贈東坡烟江疊嶂歌石刻暨金剛

經墨刻舟中展玩作此馳謝

古今論書始鍾張，隻字天府珍。琳瑯東坡老人乃後起。

崛然筆陣相頡頏，麥光鋪几寫無數。風雨信手成飛揚。

自云骨肉互撐拄，剛健婀娜能兼長。從來天驥豈受維。

止以意造法可忘。

公詩我書意造本無法

所嫌棗刻易肥，失穠纖

稍忒非其良。百年以來號撫古，後有戲鴻前晚香。鏤撫

公書亦不少，媿我貧乏緇。暉裝譬如寒女儉，約束眼慕

紈翠徒神傷。閻谷先生今好手，能具雅癖如長康。省垣

退直輒揮灑手禿干頽埋空廊尤嗜公書謂佳絕日把
栗尾研濡忙賤子末學僅識字短長肥瘦猶能詳携來
兩壁大割愛豈以先導求天閭方今三館競體勢家鷄
野鶩誰敢量但聞墨猪格非貴須擬渴筆稜中藏平生
握管如面牆剡藤天闕懼有殃苟通其意不學可誦此
聊飾吾踈狂公和子由論書詩苟能
通其意常謂不學可他時願向乞萬本
一醉墨瀋名君堂

阻風渡口驛

人生阻憂患舟楫亦一端白日棄道旁仰視浮雲殘北
來十餘日方苦迎奔湍尺寸藉人力稍縱故岸還水流
有本性所怪長風慳不爲劑其平益之石尤艱推蓬逆

洶湧疑坐雷雨間十丈競牽挽如陟萬仞巒進退時兩
爭邪許空愁顏茲行已煩鬱寧利居盤桓挂帆徑千里
亦惟造物權順者則遂順巨壑增羽翰方持破浪快唾
我留連適長年竟無悶行子寡所歡始知涉世苦信有
行路難

入閘

出閘水急入閘平出閘水濁入閘清入以濯我纓出以
濯我足其行姑徐徐乃弗召所辱吁嗟水之性兮澄之
可鑑汨則昏汲多井水亦易渾上古有靜者止哉涵其
神

悶

悶對荒隄黯不眠塵勞又擲半流年歸顏自覺慚童僕
生計從教怕簡編罷客長卿遊已倦在家靈運意空禪
石尤亦似人情惡日日窮途阻我前

拂衣愁盡計程遲濁酒難求一展眉野宿乍看孤月減
晚涼猶帶斷蟬悲清才依舊能牢落別夢誰還共渴饑
此去江湖強尋樂踈狂真恐棄明時

見道旁有以馬耕隴者作此

南方馬少有專役北方馬多人不惜耕田自古牛所司
引重致遠用違則羸形雖未如堵墻毛骨枯黯無晶光
驅之一畦強往返豈復有意思騰驤或云此本病且老
服箱無能况違道安知昔日絲籠頭摧秣殷勤不稱好

人生少壯百可爲筋力安能終自保用之強健棄其儻
雖有驍驍氣消槁一犁日代黃犢勞長稽短豆復不飽
人情愛憎恒易改伏櫪哀嘶亦寧曉我聞犬馬戀主亦
有情敝帷不棄聖所矜千金尙肯買朽骨何乃厭惡疲
其生雖非鹽車足悲憫似此服役物不平更愁卜葬有
優孟火光銅櫪無完形君不見東鄰磨刀夜相語老特
一朝淚如雨

大雨漏甚不可卧戲示同舟

自我來舟中苦熱眠未適鼠喧復蠅擾一夕三轉側今
宵帖席體稍寧豈意上惱雷砰訇纔聞颯颯打篷背枕
旁忽作翻盆傾舉帷急起已巨浸沾尻濡股身如萍竹

筒油幕百難抵聊復秉燭看波橫須臾四角盡急雷側
耳差喜鳴琤琤我聞上天之漏有大小此船隙穴亦不
少東坡以屋方漁舟水雲濛濛安足道我來半月未得
浴赤日汗膚垢凝足天公要使就卧一濯之飛廉扇涼
電轉燭又聞上棟下宇中古爲有巢木處常淋漓湯湯
爲魚尙九載青苔及榻尤非竒我雖吳兒不解水浮家
泛宅要所喜人生道路那得長高眠以瓦爲之少安耳

復阻風李海務

三日樹頭狂向北舟子攢眉客歎息排空颯颯萬竅號
逆流得此勢益囂來船迅若矢脫梢倏忽語笑飛雲霄
我行何者觸天怒五里鳴鉦十里住歸途一舸難自由

何況奔走強所求不因停楫百無恃那識風波有如此
同舟瞿生叔游見和遣悶之作復用前韻奉答

幾載長安作醉眠如君才亦困華年多岐在我徒千慮
捷得何人竟一編儘遣長風能滯客已拚小坐學逃禪
白衣蒼狗尋常態休把榮枯泥眼前

偶合萍踪散幸遲且憑握手破愁眉青山但許容吾到
白眼何須與世悲思舊子期嗟息駕休官元亮拙言饑
明年各憶懷歸處汶水悠悠又幾時

月

漸出暮檣迴終辭野霧明片雲吹欲散飛鵲去無聲圓
缺天何意悲愉物不平無須問河漢顯晦亦時更

道旁塚

天地大窳窳歛物歸一域寒暑疢其軀不可藥與石日月兩明器風雨爲號戚銘之以不名何有厚薄忒頹然木石壽其歲徃徃百莫賤惟形骸朽腐真頃刻所以上古風但取蔽齒骼不封亦不樹馬鬣高僅尺豈無王侯貴尙作華屋策冥冥長夜間寧有不安席裁之合流水同是謀旦夕慮如桓司馬陵谷遷何益翳翳此荒塋焉知孰所宅白楊鳴檄檄赤日照無隙唯有面上草春風吹屢碧我欲酌盃酒一涕遠行客今之三嘆人後亦人所惻

與似撰甥別年餘今春入都甥已赴山右未幾蒞

坪謁選來北甫匝月予復以下第遽歸天涯故人
動若相避此行亦遂無可與矣舟中作此寄蔭坪
卽達似撰知各黯然也

平生數舊雨無過崔與莊皆以誼至戚相與傾中腸崔
也已高騫莊也猶蠖藏若論貧賤交總角先涓陽今年
我遊到日下故人已發孟城駕不能經年慰別思千里
空勞魂魄迓登然崔郎喜到眼握手風塵吐情話誰知
一月別草草我復無顏留過夏丈夫於世斷梗萍長安
况多車馬聲終當顯晦共河漢豈以零落如晨星然而
我意重不樂此去窮愁百無託得教披豁盡杯酒仰視
聊忘白日速居鄉少遊亦何羨棄世君平遂寂寞苦將

意氣向俗人面目真如柄違鑿我行那是懷尊鱸直以
三黜失所居坐愁曠達據梧客乃亦奔走爲饑驅相思
君倘附尺書爲我問訊今何如匡山歸莫及頭白富貴
恐亦葭中葦

喜得順風

天意竟憐客檣烏舵尾來頻看遙樹過差喜亂蟬催牽
挽曾何力愁嗟得暫開平生危捷到屢覆手中盃
得半須知好今朝風水平終酬千里思頓覺一舟輕落
日追前夢悲歌憶舊程逐流吾弗羨幸及與時行

過東阿弔陳思王

落日東阿泛艇來建安人物有蒿萊千秋豆釜猶垂涕

一夕魚山欲奏哀，賓從應劉都易謝。文章斗石漫論才，
憐君自試求何益。華屋山邱總劫灰。

挂劍臺

薄俗何當結賞音，丈夫片語本黃金。我來一劍無人識，
生死空懸墓上心。

泊張秋有問買氈具者答之

一醉曾喚丞相茵，狂遺白氈亦何嗔。須知子敬雖寒甚，
尙有青氈可傲人。

和瞿生逆水

一櫂資人力，風聲苦拒船。恐隨頽浪返，稍幸尺隄前。乍
霽人晞網，微涼鳥弄煙。臨流勞似此，媿與世延緣。